

**На стиховне стихиры, глас 1:**

**Подобен:** Небесных чинов:

**Ангельски** в мире торжествующе,/ Сущему на престоле славы/ Богу сидящему возопи́м пѣснь:/ Свят еси Отче Небѣсный,/ Свят еси Соприсносу́щее Слово, // Свят еси и Ду́ше Всесвяты́й.

**Стих:** Творя́й ангелы Своя духи,/ и слуги Своя пламень огненный.

Небесным первствуя в дерзновении мнозем, и предстоя престолу страшному в славе, самовидче неизреченных, спаси ны, Михаиле архистратиге, сущия в нуждах бед и напастей, молитвами твоими, молимся.

**Стих:** Хвалите Его вси ангели Его,/ хвалите Его вся силы Его.

Безплотных ангелов первый еси, и служитель Божественнаго светозарения онаго, самовидец же и таинник, спаси ны, Михаиле архистратиге, летно чтущия тя благочестно, и поющия Троицу верно.

**Слава, и ныне: Глас 8:**

**[Иоанна монаха:]** Яко чиновначальник и побóрник,/ и ангелов началовóждь архистратиге,/ всякия нúжды и скóрби,/ недúгов и лютых грехóв свободи́,/ верно воспевающия и молящия тя сла́вне,/ яве яко невещѣствен Невещѣственнаго зря́,/ и непристúпным светом Владычния славы осия́емь:/ Той бо человеколюбно плоть нас ради от Дѣвы при́ят, // спасти восхотев челове́чество.

**Тропарь, глас 4:**

**Небесных** воинств архистратиги,/ мо́лим вас присно мы недостóйнии:/ да вашими молитвами оградитѣ нас/ крóвом крил невещественныхъ вашей сла́вы,/ сохраняюще ны припадающия прилежно, и вопию́щия:/ от бѣд избáвите ны, // яко чиновначальницы вы́шних сил. **Дважды.**

**И Богородице Дево: единожды.**

## На Утрени

на Бог Господь, Тропарь, глас 4:

Небесных воинств архистратізи,/ мо́лим вас присно мы недосто́йнии:/ да вашими молитвами оградите́ нас/ крѳвом крил невещественныя вашае сла́вы,/ сохраняюще ны припадающія прилежно, и вопиющія:/ от бѣд изб́авите ны,// яко чиновачальницы вы́шних сил. **Дважды.**

**Слава, и ныне, Богородичен:**

Еже от века утаѣнное,/ и а́нгелом несведомое та́инство:/ Тобою Богородице сущым на земли яв́ися Бог,/ в неслі́тном соединении воплоща́емь,/ и крест волею нас ра́ди воспри́им,/ імже воскресив первозда́ннаго,// спасе от смерти души на́ша.

**Величание:**

Величаем вас,/ Архангели и Ангели и вся во́инства, Херувими и Серафими,/ сла́влящія Го́спода.

**Ино величание:**

Величаем вас,/ Архангели, Ангели, Начала, Власти, Престоли,/ Господствія, Силы и Херувими,/ и страшныя Серафими,/ прославляющія Господа.

**Паки тойже лик поет:**

Испове́мся Тебе, Го́споди, всем се́рдцем мо́им, и пред А́нгелы воспою́ Тебе. Творяй Ангелы своя духи и слуги своя, пламень огненный. **Благослови́те** Господа, вси Ангели Его, благослови́те Господа вся сі́лы Его. **Поклонитесь** Ему, вси Ангели Его. **Седяй** на Херувимех явися. **Ополчи́тся** Ангел Госпо́день о́крест боящихя Его́. **Сло́вом** Господним Небеса утверди́шася и Духом уст Его вся сі́ла их. **И** седе на Херувимы, и летѣ. **Сла́вою** и че́стію венча́л еси Его. **Хвалите** Господа с небѣс, хвалите Его в вы́шних. **Хвалите** Его, вси Ангели Его. **Хвалите** Его вся Сі́лы Его. **Всякое** дыхание да хвалит Го́спода.

Слава и ныне; Аллилуия: **Трижды.**

**Таже степенна, 1-й антифон 4-го гласа.**

**Прокимен:** Творяй ангелы Своя духи,/ и слуги Своя пламень огненный.

**Стих:** Благослови, душе моя, Господа: **Всякое** дыхание:

**Евангелие** Матфеа, зачало 52. [Мф. 13; 24 – 30, 36 – 43.]

**Слава:** Моли́твами Архистрати́га Божия Миха́ила:

**И ныне:** Моли́твами Богородицы:

**По 50-м псалме стихира, глас 6:**

**Ангели Твои, Христэ,/ престолу величества во страхе предстояще,/ и Твоим светолитием присно осияваемы,/ в вышних песнопевцы Твои,/ и совета Твоего служителие,/ от Тебе низпосылаемы,// дают просвещения душам нашим.**

**Канон Богородицы, со ирмосом на 6. Глас 8:**

**Песнь 1.**

**Воду прошэд, яко сущу,/ и египетскаго злá избежав,/ израильтянин вопияше:// Избавителю и Богу нашему поим.**

**Катавасия:**

**Отверзу уста моя,/ и наполнятся Духа,/ и слово отрыгну Царице Матери,/ и явлюся светло торжествуя,// и воспою радуясь Той чудеса.**

**Песнь 3.**

**Небеснаго круга/ Верхотворче Господи,/ и Церкви Зиждителю,/ Ты мене утверди в любви Твоей,/ Желаний Краю, Верных Утверждение,// Еди́не Человеколю́бче.**

**Катавасия:**

**Твоя песнословцы, Богородице,/ живый и независтный источник,/ лик себе совокупльшия, духовно утверди:/ в Божественней Твоей славе// венцев славы сподоби.**

**Песнь 4.**

**Услышах Господи,/ смотрения Твоего таинство,/ разумех дела Твоя,// и прославих Твое Божество.**

**Катавасия:**

**Седяй в славе,/ на престоле Божества,/ во облаце легце/ прииде Иисус Пребожественный,/ нетленною дланию,/ и спасе зовущия:// слава, Христэ, силе Твоей.**

**Песнь 5.**

**Просвети нас повелении Твоими Господи,/ и мышцею Твоею высокою,/ Твой мир подаждь нам// Человеколю́бче.**

**Катавасия:**

**Ужасошася всяческая/ о Божественней славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси безлётнаго Сына,/ всем воспевающим Тя// мир подавающая.**

## Песнь 6.

**Молитву пролию ко Господу,/ и Тому возведу печали моя,/ яко зол душа моя исполнися,/ и живот мой аду приближися,/ и молюся, яко Иона:// от тли Боже, возведи мя.**

### Катавасия:

**Божественное сие и всечестное/ совершающе празднество,/ богомудрии, Богоматере/, приидите, руками восплещим,// от Нея рождаемого Бога славим.**

### Кондак, глас 2:

**Архистратизи Божии,/ служителие Божественныя славы,/ ангелов начальницы и человеков наставницы,/ полезное нам просите,/ и велию милость,// яко безплотных архистратизи.**

## Песнь 7.

**От Иудеи дошедше отроцы/ в Вавилоне иногда,/ верую Тройческою пламень печный попраша, поюще:// Отцев Боже, благословен еси.**

### Катавасия:

**Не послужиша твари богомудрии/ паче Создавшего,/ но огненное прещение мужески поправше,/ радовахуся поюще:// препетый отцев Господь и Бог благословен еси.**

## Песнь 8.

**Царя Небеснаго,/ Егоже поют вси ангельстии,// хвалите и превозносите во вся веки.**

### Катавасия:

**Отроки благочестивыя в печи/ Рождество Богородино спасло есть;/ тогда убо образуемое,/ ныне же действуемое,/ вселенную всю воздвизает пети Тебе:/ Господа пойте дела// и превозносите Его во вся веки.**

## Песнь 9.

**Воистинну Богородицу/ Тя исповедуем,/ спасении Тобою, Дево Чистая,// с безплотными лики Тя величающе.**

### Катавасия:

**Всяк земнородный/ да възиграется, Духом просвещаемь,/ да торжествует же безплотных умов естество,/ почитающее священное торжество Богоматере,/ и да вопиет:/ радуйся, Всеблаженная// Богородице, Чистая Приснодево.**